

भेरूजी झीणा रे झीणा रे बाजे घुंगरा भजन लिरिक्स



भेरूजी झीणा रे झीणा रे,
बाजे घुंगरा,
भेरूजी झीणा रे रूणझुण,
बाजे घुंगरा,
थारा कडिया मे लडकता,
लाम्बा केश,
मतवालो खेले चौक में,
थारा कडिया मे लडकता,
लाम्बा केश,
मतवालो खेले चौक में।bd।

भेरूजी ऊबी रे मालनीया,
देवे ओलबा,
भेरूजी ऊबी रे मालनीया,
देवे ओलबा,
म्हारा बागा माई आवो भेरू नाथ,
मतवालो खेले चौक में,
म्हारा बागा माई आवो भेरू नाथ,
मतवालो खेले चौक में।bd।

भेरूजी सोनाला नगरी में,
थारो बेसनो,
भेरूजी सारंगवा नगरी में,
थारो बेसनो,
भेरूजी आवे आवे,
बालक ने नर नार,
मतवालो खेले चौक में,
भेरूजी आवे आवे,
बालक ने नर नार,
मतवालो खेले चौक में।bd।

भेरूजी तेल ने सिन्दूर,
चाढु चूरमो,
भेरूजी तेल ने सिन्दूर,
चाढु चूरमो,
भेरूजी लावु थारे,

समस्त भजनों के लिरिक्स और विडियो बिना इन्टरनेट के भी आप अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करें। वेबसाइट - <https://www.bhajandiary.com>



मतवालो खेले चौक में,
भेरूजी लावु थारे,
बाकला रो थाल,
मतवालो खेले चौक में।bd।

भेरूजी एकम् बीज रो,
मेलो जोर रो,
भेरूजी एकम् बीज रो,
मेलो जोर रो,
आतो चैत्र री कहिजे सुदी रात,
मतवालो खेले चौक में,
आतो चैत्र री कहिजे सुदी रात,
मतवालो खेले चौक में।bd।

भेरूजी ऊबी रे बांजनीया,
देवे ओलबा,
भेरूजी ऊबी रे बांजनीया,
देवे ओलबा,
म्हारे गोद्या मे,
हुलरावो नैनो बाल,
मतवालो खेले चौक में,
म्हारे गोद्या मे,
हुलरावो नैनो बाल,
मतवालो खेले चौक में।bd।

भेरूजी अवतानी सुन्देशा री,
सुनलो विनती,
भेरूजी अवतानी सुन्देशा री,
सुनलो विनती,
मै तो आया आया,
सारंगवा रे माय,
मतवालो खेले चौक में,
मै तो आया सोनाला रे माय,
मतवालो खेले चौक में।bd।

भेरूजी झीणा रे झीणा रे,
बाजे धुंगरा,
भेरूजी झीणा रे रूणझुण,
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



थारा कडिया मे लडकता,
लाम्बा केश,
मतवालो खेले चौक में,
थारा कडिया मे लडकता,
लाम्बा केश,
मतवालो खेले चौक में।

गायक – श्याम पालीवाल जी ।
प्रेषक – मनीष सीरवी ।
(रायपुर जिला पाली राजस्थान)
9640557818
